

## **Imani katika Kristo Humaanisha Uzima wa Milele**

Amwaminiye Mwana yuna uzima wa milele.—Yohana 3:36.

Pale nafsi inapojisalimisha kwa Yesu, nguvu mpya huutawala moyo mpya. Badiliko huletwa ambalo mwanadamu hawezi kulikamilisha kwa nguvu zake mwenyewe. Ni kazi ya Mungu, ikileta kipengele cha kiroho ndani ya asili ya mwanadamu. Nafsi iliyosalimishwa kwa Yesu inakuwa ngome Yake mwenyewe, ambayo Anaishikilia katika ulimwengu ulioasi na Anakusudia kuwa hakuna mamlaka itakayojulikana kwa nafsi hiyo isipokuwa mamlaka Yake Mwenyewe. Nafsi inayomilikiwa hivyo na mamlaka ya mbinguni haiwezi kuingiliwa na mashambulizi ya shetani.

Kristo yuko tayari kutoa mvuto wote wa mbinguni. Anajua kila jaribu linalomjia mwanadamu na uwezo wa kila wakala wa kibinadamu. Anapima uwezo wake. Anaiona leo na kesho na kuwasilisha akilini wajibu ambao unapaswa kutimilizwa, na kusesitiza kwamba mambo ya kawaida ya kidunia hayapaswi kuruhusiwa kukutushughulisha kiasi cha mambo ya umilele kushindwa kuzingatiwa.

Karama za neema Yake kupitia kwa Kristo ni bure kwa watu wote. Hakuna uchaguzi bali ule wa mtu binafsi ambao kwa huo anaweza kupotea. Mungu ameweka wazi katika Neno Lake masharti ambayo kwayo kila nafsi inaweza kuchaguliwa kwa uzima wa milele—utii kwa amri Zake zote, kwa njia ya imani katika Kristo. Mungu amechagua tabia inayopatana na sheria Yake na kila mtu atakayefikia kiwango cha matakwa Yake, ataweza kuingia katika ufalme wa utukufu. Yesu Mwenyewe alisema, “Amwaminiye Mwana yuna uzima wa milele.”

Ni nafasi iliyotukuka jinsi gani kuhusianishwa na Yeye ambaye ndani yake ukamilifu wote unakaa, ambaye kwa kweli ni Mfalme wa Mbinguni, lakini ambaye alitupenda sana kiasi kwamba lugha haiwezi kulielezea, japokuwa tulianguka! Yeye ambaye kwa ajili yetu aliweka kando vazi Lake la kifalme, akashuka chini kutoka kwenye kiti cha enzi cha mbinguni na akakubali kuuvika Uungu Wake kwa unyenyekevu na kuwa kama mmoja wetu isipokuwa tu katika kutenda dhambi, ili kwamba uzima na tabia Yake vipate kuwa kielelezo kwa ajili ya wote kufuatisha, ili waweze kuwa na karama ya thamani ya uzima wa milele.